

Apologeticus Dei I.
IN NOME JESU!

DISPUTATIO THEOLOGICA

De

INDURATIONE
PHARAONIS.

QUAM

Dei O. Max. Auxilio,
In Regia Universitate Aboensi,
cum consensu Reverenda
Fac. Theologica,

P RÆS I D E

ENEVALDO SVENONIO,

G. A. S. S. Theol. Doct. Prof prim,
& h. a. Decano, nec non Eccles. U-
bis Numensisq; Pastore

Defendere conabitur

ETRUS MOVALLIUS, Smol.

In Audit. Super. & Max. ad. d. Feb.
Anno gratia M. DC. LXXVI.

ABOÆ,

excusa à PETRO HANSONIO, Acad. Typ.

Alon: Sandalini M. i. d.

VIR

Summè Rev. atq; Amplissime

Dn. M. JONA SCHARINI, Theologe
excellentissime, Diocesanos VVexionensis Episcope
longè dignissime, in Christo pater, & pro-
motor indubitissime.

Dn. NICOLAE Lietzen / Dn. ANDREA Lijndes-
man Regij Dicasterij Aboënsis
Assessor consultissime, ,
nec non in territorio Ve-
moënsi & inferiori Sata-
cundia Judex prudentissi-
me, Nutricie liberalissi-
me, summo honoris titulo
perpetim afficiende.

Dn. M. PETRE PLATINE,
in Regio Gymnasio VVe-
xionensi Graecarum Lites-
rarū lector cōmēdatissime.
Dn. JACOBE ÆIMELÆE,
superioris Satacundiae Ju-
dex territorialis dexterime.

Dn. ANDREA Lijndes-
man / Vectigalium n inos-
rum in Feningia hactenus
Inspector accuratissime
nunc verò collegij Revisi-
onis Cameræ Adsessor
spectatissime.

Dn. EDVARDE Syd-
ting / Qvæstor Regie A-
boæ æqvissime, Evergeta
propensissime.

Dn. JOHANNES Teslet.
Actuarie in Regio Dic-
asterio Aboënsi solertissi-
me.

Circa natalitia, quæ Ecclesia Dei quotannis celebrat
dulcissimi nostri Salvatoris Domini IESU Christi, stre-
næ, hic ut alibi, pro laudabili in Christianismo recepto
more, distribui sverunt. Ast quid ego, cui tamdiu li-
cuerat, multiplicem illum fructum beneficiorum ve-
stitorum degustare, mictam? sufficiat proinde, cum cæ-
tera desint, obsequiosa mens & prompta bene merendi,
voluntas, succedatq; loco strenæ exercitium hocce A-
cademicum, qvod ipsum tamen dubius, & ancipiti
cura versatus in deliberando, tantillum dicarem
Nominibus Meccenatum, fautorum & promotorum illiū
inscribere ausus sum, Vestræ magis benignitate persua-
sus, quam munericopiam. Valete ergo & strenam æqu
boniq; consulite.

Vestri maximè vectigalies
P E T R I M. Movallij Smo

APOLOGETICUS DEI

DE

INDURATIONE,
ET CAUSA MALI.

Sumptâ occasione ex c. 4. c. 7.
& seqq. Exodi, in Thesi & An-

tithesi succinctè adornatus.

I. Θέσις.

Methodi caussâ, ipsa Thesis in
tria extantiora membra dispesci-
tur, ut I. *Definitio*. II. *Analysis*
caussarum, III. *Affectiones expendantur*.

II. Est a. i. *Definitio* alia *Nominis*, quâ
a. voces examinantur. Moses in historia
Pharaonis tribus utitur verbis. **תְּדַבֵּר**

הַשְׁמָה בְּבָדָק Illud chadsak in con-
jug. piel usurpatur Exod. 4:21. adeoq; signifi-
cationem intendit, notatq; severitatem divini
judicij vel i. pronunciationem sententiae de-
cisiæ conf. c. 9:12. c. 10:20. 27. c. 11:10. c. 14:8.
Istud vero & hoc, scil. Chaved c. 10:1. & ka-
schab c. 7:3. in conjug. Hiphil usurpantur,
ac proinde permissionem inferunt, tacite
monentes; Deum indurationem istam effi-
caci operatione non produxisse, sed à Sa-
tana & Pharaone fieri concessisse, Conf. c.

I DE INDURATIONE

13: 15. cum Esa. 64: 17. Unde & Cor Pharaonis dicitur grave c. 7: 14. obduruit c. 8: 19. Et aggravatum est, c. 9: 7. Hisce omnibus simul innuitur Pharaonem obtemperasse Satanæ suggestionibus, unde gravius induratus fuerat.

III. β. Notantur *vocabula eqvipollentia*: appellatur enim induratio alibi, *Excoecatio oculorum & mentis, obturatio aurium, impingvatio vel incassatio cordis, &c.* Esa. 6: 10. Matth. 13: 14. 18. Marc. 4: 12. Luc. 8: 10. Joh. 12: 40. Act. 28: 26. 27 Rom. 11: 8. Quæ appellations omnes significant malitiā hominis nolentis audire, intelligere & dijudicare quæ à Deo ad salutariter cognoscendum proposita sunt.

IV. γ. Discutiuntur *eqvivocationes*, & variæ vocum acceptiones attenduntur; Quo circà 1. Removenda est ab hâc consideratione doctrina de cordium humanorum *Durisie Naturali*, quippè quæ Ezech. 36: 26. vocantur *Lapidea convertenda in carneam*. Quò pertinet σκληροκαρδία, discipulorum Christi, Luc. 24: 25. Marc. 16: 14. Quæ nihil aliud, magni cujusdam Theologi judicio est, quam congenita omnibus hominibus originalis peccati labes; Unde orta est caligo mente non agnoscente Deum, pravitas in volun-

voluntate, adeoq; summa ἀδύναμία, quo ad salutarem conversionem præstandā in singulis viribus, 1. Cor. 2: 14. 2. Cor. 3: 5. Et Phil. 2: 13. Adeoq; in præsenti negotio non agitur de malo aliquo nobiscum nato præcipue, sed sponte acquisito, qua homines ita dicuntur *indurari*, ut quæ alioquin vel naturaliter intelligere ac dijudicare, vel per Spiritus S. gratiam in verbo semper efficaciter operari volentis percipere poterant, intelligere & capere nolunt, ac tādem etiā Deo puniente impietatem spreti verbi nō possunt, coeco impetu ruunt in perniciem suam.

V. II. ὥρως proprièq; hoc malum assignatur quibus divina voluntas patefacta est in verbo, idq; vel & initio per gratiam Sp. S. assentientibus veritati cœlesti, sed postea propriâ culpâ resilientibus & ab agnitâ viâ salutis retrogradis, quales fuere Cain, Judas Isebariob. Sc. Vel &c. Veritatem non amplexis, quales fuere Pharao & Judæi miraculorū Christi illusores concionumq; malitiosi interpretes, Δευτέρως seu analogicè tribuitur Ethnicis, quibus specialis revelatio non illuminavit, sed tamen generalis patefactio contigit de Dei Existentiâ & nonnullis attributis per creationem & noticias insitas seu innatas, contra quas sponte agunt, & furenter pa-

trant, quæ noverunt mala esse, quâ ratione Apostolus etiam Gentibus *Indumtionem* adscribit Rom. 1:19:28. Eph. 4:18.

VI. iii. Prænotari quoq; summè necessarium est, Quòd *Indumtio* bifariam possit ac debeat considerari; i. *Ut peccatum* longè atrocissimum, ceu fons & origo aliorum criminum scelerumq; complurium. ii. *Ut pena* flagitijs antegressis justo Dei judicio promerita, quo respectu & Deus ipse dicitur indurare priori respectu partim diabolo partim homini adscribitur.

VII. iv. Nec prætereundum est hujus vocis significationem esse *Metaphoricam*, & *indumtione* hâc non denotari callum aliquem physicè indurecentem, aut actum aliquem naturali modo lapidificum; sed esse actionem spiritualem.

VIII. ii. Definitio alia realis, potestq; extriui talis: *Induratio spiritualis* est actus hominis malevoli ex multis suggestente diabolo pravitatibus sponte contractus, ad ostendendam adversus pertinacem verbi divini contemptum justam Dei potentiam.

IX. II. ANALYSIS hæc est:

I. *Materia* circa quam, seu Objectum est *Homo malevolus*, qui habitum malitiæ ex varijs pravitatis, spreti, contradicti & resisten- tiâ fastiditi verbi Dei actibus sponte contraxit. Versatur a. Induratio circa dupli- cia objecta obedientiæ, videlicet α . Quoad *Fidem* β . Quoad *Vitam* & mores; adeò ut qui veritati oblatæ vel agnitæ resistunt contumaciter, eamq; blasphemant, dicantur indurati quoad actum priorem: pariter qui detectis voce divinâ peccatis suis enor- bus, nihilominus in iisdem perguint ac per- tinaciter & furenter contra Deum ruunt, meritò quoq; indurati appellantur, ut Cain, Pharao, Saul &c.

X. II. *Forma* indurationis vix una appellatiōne describi potest; nam α . notat meta- phoricè actionem proæreticam, quā vel ex molli durus, vel ex duro durior homo reddi- tur, quæq; mentione membrorum corporis per partes exprimitur, ut ad animam cui propriè competit induratio commodius re- ferri possit. Hinc induratio *cordis*, *cervi- cis*, *frontis*, nominatur (quod LXX. vertunt *καπτχύνειν*) dum homo instar ferri, petræ, adamantis, seipsum obdurat & roborat, ne malleo legis flectatur, sed eō fortius eidem

resistat, Exod. 7: 13. 2. Reg. 17: 14. Jer. 5: 3. Zach.
 7: 12. Et ubi metaphora desumitur à bobus no-
 lentibus subire jugum, à meretricibus quæ
 duræ frontis & impudentes sunt. ubi tamen
 observa, &c. quod phrasis: *ponere frontem*
quasi adamantem, quando Deo tribuitur,
 usurpetur in bonam partem, ut Ezech. 3: 9.
posui frontem tuam q: adamancem que
durior est petrā, ne timeas eos: Loquitur sc.
 Deus de constantiâ in ministerio verbi ad-
 versus minas hostium. Tribuitur quoq; o-
 culis & aurib. Esa. 6: 10. Matth. 13: 18.
 Act. 28: 27. non quod in ipsis membris hære-
 at vitium immediate, sed translato genere
 sermonis à vitijs organorum ad demonstran-
 dam internam mentis cœcitatem & surdi-
 tatem nolentis videre & audire quæ ad co-
 gnoscendum à Deo in verbo proposita sunt.
 Deinde β. phrasis indurationis non solum
actionem, sed & affectionem seu *Habitum*
 duritiei in corde hominis exprimit, unde
 etiam *Genus ejus commodius actus statui-*
tur, non naturalis ille quidem, de quo di-
 stum initio, sed acquisitus, actionis scil.
 induratoriæ effectus: qui n. principio suâ
 Sponte mentem obfirmat; ne videat Lucem
 veritatiq; monstratae assentiatur, is postmo-
 dum justo Dei judicio, per operationem

Satanæ ita occallescit conflato habitu, ut
aliter agere non possit, sed instar nyctico-
racis cœcutientis ad splendorem solis, ad ve-
ritatem auroræ cœlestis semper cœcutiat,
necessitate quidem non absolutâ seu conse-
quentis, sed hypothetica & consequentia,
Rom. 2: 5. Heb. 6: 6.

XI. III. *Causa Efficiens Indurationis hu-*
jus in scripturis Sacris adscribitur 1. Homi-
ni indurato 2. Diabolo 3. Deo. 4. Ministris.

XII. I. Primum Induratio tribuitur
Homini, qui malitiâ spontaneâ consumaci-
tèr se opponit agnitæ veritati & divinæ po-
tentiae inq; peccatis contra dictamen con-
scientiæ perseverat, ut cum Pharao cum su-
is consiliarijs ac purpuratis, fatentibus Ma-
gis, cogeretur agnoscere, digito Dei Mosen
egisse miracula, ipse tamen nihilo melior
evadit. conf. Exod. 9: 35. Jer. 5: 3. Cur
autem alij, alijs servatis ac liberatis, in tan-
tum malum feruntur, videtur ideò fieri, quia
a. Alij indulgent præconceptis opinioni-
bus suis, quibus ita sunt fascinati, ut mon-
stratam Lucem aspicere nolint; alijs gloriæ
cupidi & studio partium perseverant in er-
roribus, ne videantur errasse & inconstantia
argui, ut pharisæi: Alij cupiditate vindic-
tæ, contemptu vilium ministrorum, Verbi ,
Studio

Studio opum & voluptatum ad idem malum invitantur. Hi omnes sic solent gradatim andurari: Qui securè indulgent suis peccatis hærentq; vel in Idololatriâ, falsis opinionib; tyrannide, avaritiâ alijsve peccatis mortali bus, hi castigati verbo Dei incipiūt fremere ac exacerbantur vel adversus docentes, ut hypocritæ, vel doctrinam ipsam oderunt & mendacijs onerare non verentur, alij personas simul & doctrinam hostilitè persequuntur. E. G. quibus sceleribus pœnam hanc fatalem homo ἄθεος pharao promeritus sit, Moses in Exodo probè edisserit, septem atrocissimorum actuum mentionem faciens.

Quorum.

- i. *Terror Phoviae erat c. I: 16. 22.*
- ii. *Immanis persecutio pop. Dei c. I: 23. c. 2: 32. c. 5: 6. 7. seqq.*
- iii. *Incredulitas & contumacia, eaq; tanta, ut nullis planè signis aut prodigijs etiam tanto numero & terrore editis, potuerit emendari. c. 7: 23. c. 9: 34.*
- iv. *Blasphemia in Deum perquam horrenda. c. 5: 2.*
- v. *Studio Magie. q[uod] verbo Dei non solum opposuit, sed & præposuit. c. 7: II. 22. c. 8: 6.*
- vi. *Hypocrisis & impenitentia summa. c. 9: 34. c. 10: 10.*
- vii. Con-

VII. Contemptus Ministerij. c. 5:2. 4. c. 8.
 15. c. 10: 28. Unde August. Serm. 83. de
 Temp. ait: *Certissime credendum est quod pha-
 ramonem non Dei Videntia, sed propria in-
 iquitas & indomabilis Superbia contra Dei
 præcepta tories fecerit indurari.*

XIII. II. Altera causa efficiens Indurationis
 sed externa est diabolus executor judiciorum
 Dei, qui cum suâ naturâ sit pessimus, & homi-
 ni ad omnia mala callidissimus autor & in-
 stinctor, concessâ sibi à Deo irato facultate,
 impellit pravashominum voluntates ad id pa-
 trandum impensius, ad quod suâ propensione
 erant proni: adeoq; securos inclinat, incli-
 natos excitat, irritatos prosternit, prostratos
 proculcat, ne amplius assurgere valeant. I.
 Cor. 4:4. *Ubi dicitur execucare mentes. Eph.*
 2:2. *openari in filijs diffidentiae. Act. 5.2. 3.*
Implere cor malitiâ 2. Tim. 2. 26. Captivas
tenere homines 1. Pet. 5: 8. Eosdem querere
ac devorare instar rugientis Leonis.

XIV. III. Tribuitur induratio hominum ipsi
 Deo, Exod. 4: 21. *Ego indurabo cor ejus, ne*
dimitat populum. Conf. Esa. 63. 13. Ezech.
 14: 9. Ps. 105: 25. Rom. 1: 28. Unde B. Lu-
 therus noster Tom. III. Jen. Lat. p. 206.
 ait: *Deus pharaonem induravit, dum illum*
per verbum Moysi velut Regnum ablaturi in-

vasit, Sintus Spiritum non dedit, sed ipsius
impiam corruptionem permisit, Satana re-
gente, successivè intumescere, furere & pro-
cedere cum securitatè quādam & contemptu.

Quo circà probè tenendum est, Indurati-
onem referri oportere ad opera Dei judiciaria,
quibus præcedentem impietatem vindicat;
Unde rectè dictum ab iterum Augustino Cit-
loco: Nunquam prius Deus deserit homi-
nem, nisi prius ab homine deseratur. Fir-
mitè ergò hæc regula tenenda erit: quod
nulla sit iniq[ue]itas apud Deum: quod urget
Paulus gravissimis argumentis ad Rom. c. 9.
Idem August. lib. I. ad Simplicianum Qv. II.
ait: Intelligatur propositio, quod Deus non sit
author peccati, primò ratione præcepti, quia
non præcipiat peccatum, secundò ratione vo-
luntatis approbantis, quia nunquam appro-
bat peccatum ullum quatenus tale est, tertio
ratione operationis, quia non impellat tacito
motu interno hominum mentes & voluntates
ad peccandum.

Palam ergò fit, indurationis operationem
Deo adscribi, non quatenus est vel peccatum
& respectu sui, vel aliorum peccatorū causa,
ratione sui effectus; sed quatenus est præce-
dentium flagitorum pœna, quâ Deus deser-
tione & suæ gratiæ subtractione punire justif-
simè

simè decrevit, juxta illud Rom. 9: 18. Quem
vult indurat; scil. voluntate non *absolutâ*
aut *antecedente*; sed *consequente*, ut sit sen-
sus, Deum aliquos mortalium pro suâ volun-
tate, occultâ quidem nobis, nunquam verò
injustâ, punire Induratione.

xv. Concurrit a. Deus ad eandem vel *Gene-*
raliter, idq; a. *Naturam sustentando*, Act.
17: 28. β. *Præsciendo*, quâ malas actiones
prævidet & prædictit priusquam eveniunt, Ex-
od. 3: 19. valetq; illud: *Qualem Deus Pharaonem videt futurum, talem fore prænunciat*
Et huc respiciunt dicta B. Lutheri, lib. de
Serv. arb. cont. Erasmus, quæ primo intuitu
duriuscula videntur, ut, Simei ad maledicen-
dum, Pharao ad indurationem, judas ad
proditionem motu Dei acti & rapti fuere. In-
telligit a. Motum vel actionem omnipoten-
tiæ Dei, omnium rerum ~~creaz~~arum sustenta-
tricis & motricis *Generalem* Heb. 1: 3. Ut sei-
pse explicat, sæpius. Ita namq; commenta-
tur in illud Exodi: *Ego indurabo cor ejus.*
Ego faciam, ut cor pharaonis indure-
tur, sed ut me faciente induretur, quod
quomodo fiat, audivimus, scil. intus,
generali motu ipsam movebo voluntatem malam, ut suo impetu & cursu vo-
lendi perget, nec cessabo movere nec
possum

possum aliter &c. Et porrò: quærat quispiam, cur Deus non cesset ab ipso motu Omnipotentiæ, quo voluntas impiorum movetur, ut perget mala esse & pejor fieri? Resp. Hoc est optare, ut Deus propter impios desinat esse Deus, dum ejus virtutem & actionem optat cessare.

XVI. Vel *Specialiter* idq; octo potissimum modis:

1. *Deserendo* seu *Gratiam subtrahendo*, vel eandem non impertiendo: Suberabit n. Deus eam interdum Renatis, ut *Sauli*, i. Sam. 16: 14. Ezechiae 2. Paral. 32: 1. Non impertit irregenitis, ut *Pharmoni*.

Unde iterum August. de prædest. Sanct. c. 4. Non, ait, obdurat Deus impertiendo malitiam, sed non impertiendo gratiam: indurat quando non mollit; excusat quando non illuminat. Et Irenæus Lib. 4. c. 48. scribit: Tindit ergò Deus istos infidelitati ipsorum, &c. avertit faciem ab hujusmodi, relinqueens ipsos in tenebris, quas sibi ipsi elegerunt, Item August. conc. Faust. Manich. ait: Deus indurat deferendo, Satanus vadan- do, homo consentiendo.

II. *Tradenda* in potestatem executoris judiciorum suorum, Satanæ videlicet tan-

quam Carnificis. Psalm. 35: 5. Psal. 109: 6.
Satanas Stet à dextris ejus. Chrysostomus
 in 12. c. Joh. hom. 68. inquit: *Cum deser-
 mur à Deo, tradimur diabolo, in cuius pote-
 statem redacti innumeris malis afficimur.* 1.
 Sam. 16: 14. *Spiritus Domini recessit à Saule
 & exagitabat eum Spiritus malus à Domino.*
 Conf. 2. Sam. 24. & 1. Par. 21. 1. Reg. 22.

III. *Offerendo*, seu potius *Iterando verbum*
 omnium primò *oblatum*, cuius finis per se,
 respectu Dei, sicut & propria ac inseparabilis
 ejus efficacia, est hominum *conversio*. Sed
 per hominum affectatam malitiam fit, ex ac-
 cidente, ut verbo Dei ipsis annunciatu magis
 magis magisq; indurentur, idq; illis fiat odor ad
 mortem, quod ex instituto Dei & cōgenitâ si-
 bi efficaciâ debebat esse odor ad vitam, 2. Cor.
 2: 16. Erat E. Pharao resp. Dei instar filij im-
 morigeri, quem dum pater iterum atq; ite-
 rum revocare studet ad pœnitentiam saluber-
 timis monitis, suâ culpâ redditur deterior:
 Pater v. dum accingitur ad iterandum mo-
 nita sua salutaria, dicens: *Rursus indura-
 bo filium;* num erit indurationis causa?
 Absit. Sic Pharao bonum finem verbi con-
 versionem, intervertit odio incitatus adver-
 sus monitores Mosen & Aronem, simulq;
 fuit in causâ, quod subsecutus fuerit eventus

per

per accidens, quō verbum, salutis gratiā sibi propositum, factum ei fuerit petra Scandali.

IV. *Permitendo hominem suis; cupiditatibus.* Quā Deus Justo Judicio sinit hominem sibi relictum & Satanæ traditum proprio impetu ferri suisq; blandiri proprijs concupiscentijs, Psal. 81: 13. *Ibunt in adinventionibus suis.* Ose. 4: 14; Zach. 8: 10. Act. 14, 15.

Etsi verò *Calvinus* lib. 1. instit. c. 18. frivolam hanc solutionem appelleat, longè certissimum tamen est, eam in multis Scripturæ effatis frequentari, ut Matth. 6: 13. Ne nos inducas in temptationem: non finas nos induc ne deseras nos, Esa. 63: 17. *Tu errare nos fecisti* *Indurasti nos*: Tu propter varia peccata nostra deseruisti nos tuā gratia, & permisisti ut propriā malitia & impulsu Satanæ laberemur in Erroribus & in illis obstinatè q: indurati perseveraremus. Sic Ps. 141: 4. *Ne deseras eor meum ad rem malam*: Ne finas me aberrare à mandatis tuis, sed sustenta Speciali auxilio gratiæ.

Permittit quidem Dominus Deus invitus & non volens peccatum quātenus tale Ps. 5: 4. Volens a. tanquam justam poenam, & respectu finis, quem novit ex actione pessima eli- cere optimum.

v. *Tolerando malos, ut convertantur.* Unde Apostolus asseverat Deum magnâ longanimitate tolerasse vasâ iræ præparata ad interitum Rom. 9: 22. c. 2: 4. Rejicit quidam B. Luth. cont. Erasm. hanc interpretationem, videlicet, si solâ Dei tolerantia hominem indurari dicamus, omissis reliquis Dei judicijs, interim verò certum evadit Dei patientiam quibusdam esse allectoriam ad pœnitentiam, idq; perse ex instituto Dei, 2. Pet. 3: 9. quibusdam inutilem, & ad resistendum Deo, abusivam.

vi. *Determinando Metas.* Ulterà quas hominibus & diabolis furere suâque malitiâ atq; tyrannide grassari prohibitum est, Esa. 37: 20. Psal. 105: 14. Sic Pharaoni nisi certos Deus limites posuisset exercendi tyrannidem, nunquam Israelitas dimisisset incolumes. pari modo Dominus Deus posuit repagula Sauli, Herodi, Impp. Turcicis atq; Romanis, ipsiq; AntiChristo, Mahometi & Pontifici volentibus evertere religionem vere Christianam, quos ad lucem Evangelij cœcutire & magis magisq; indurescere permisit justo judicio.

vii. *Gubernando Finem cumq; reducendo ad normam sapientiæ, justitiæ & bonitatis divinæ.* Gen. 50: 20. Vos cogitastis de

me malum, sed Deus convertit in bonum. Pharaonis scopus erat populum Israeliticum æternâ servitute opprimere; Sed Deus in eodem potentiam suam & gloriam justitiae suæ demonstravit, misericordiam autem & defensionem erga suos, Rom. 9: 17. Exod. 9: 16. Fulgentius ad Monim. Deus licet non sit autor malarum cogitationum, ordinator tamen est malarum voluntatum.

VIII. Deniq; Exsequendo judicia. Quibus nequissimi, sceleratissimiq; *μάκροθυμίας* divinæ contemptores adeoq; præfracti peccatores tandem severè cōercentur ac puniuntur. Idq; sit pœnis vel temporalibus, vel si Deo & Ministerio rebelles esse perrexerint, inq; obstinato proposito peccandi ulterius & usq; in finem perseverârint, eō gravioribus æternæ gehennæ supplicijs.

XVII. iv. Quarta *causa efficiens* Indurationis tribuitur Prophetis, Apostolis & V.D. Ministris Ὁργωνικῶς, Esa. 6: 10. Dan. 12: 3. Matth. 18: 18. Joh. 20: 22. 1. Cor. 3: 5. 2. Tim. 4: 6.

XVIII. iii. Affectiones tandem Indurationis seu potius induratorum Attributa sunt seqq.

i. Πάρωσις τῆς καρδίας, ex Rom. 11: 7. 8. seu Cor insensatum, h.e. nullo sensu divi-

narum comminationū emollitum. Homogeneia phrasis extat Esa. 29:9.

תְּרֵדָה

תַּדְמָה Tardemah Ruab i. e. Spiritus soporis, scilicet gravis torpor & Lethargus: quo *ἀνασθοία* inducitur: Indurati n. quamvis in rebus civilibus & mundanis sint sagacissimi, in negotio tamen salutis sunt veluti somno sepulti, ut neque intelligant, videant, audiantur aut sentiantur.

II. Πνέυμα κατενύζεως, scilicet Spiritus compunctionis, quo significatur non salutaris illa compunctionis pœnitentiae ex stimulo gladij divini facta. Act. 2: 37. Heb. 4: 12. sed Iste cogitationum conflictus in impijs mutuò se accusantium Rom. 2: 15.

Etenim sœva sibi semper præsumit conscientia mala, Sap. 17: 11. Sed quia in isto interno cogitationum conflictu impij judicium conscientiae petulatèr prostituunt, fiunt tandem *ἀνθεκτικεῖ* Tit. 3: 11. Tandem quia & hoc ipsum judicium conscientiae negligunt, redduntur *ἀπηλγηκότες* Eph. 4: 19. Quidam etiam spiritus compunctionis in impijs notat flamas odiorū atque irarum in illorum cordibus accensas à diabolo, dum zelo sine scientiā instigati, nil aliud mediantur & agunt, quam quod ad piorum &

Evangelij spectat perniciem, ut de Stephani adversarijs scribitur Act.7:54. Διεπέροντος Χριστοῦ καρδίας serrā quasi dissecta sunt corda eorum, quibus Verbi Dei vis innuitur secantis dum emollire nequit instar Serræ vel gladij, Heb. 4:12. non sine dolore & compunctione ira à satanā accensæ, qui domicilium suum à potentia verbi impugnari ægrè fert. Externi inde gestus existunt, dentibus frendent, spirant cædem.

III. *Perversitas mentis*, dicuntur enim tales Διεφθαρμένοι τὸν νόον, 1. Tim. 6:5. 2. Tim. 3:8. quicunq; enim furiose contradicit spiritui sancto, justo Dei judicio, omnem judicandi virtutem amittit, unde salutis media cedunt in condemnationem, & felicitas vitæ in damnationis incrementum, Rom. 11:9. Psal. 69:10. *Fiat mensa ipsorum in laqueum.*
3: verbum Dei. Psal. 23.

IV. *Inconstantia summa*; sunt enim tales estuantes, veluti mare fervens, quod quiescere nequit, Esa. 48:22. &c. &c. II. Sequuntur Adversariorum Argumenta.

II. *Avilescens,*

I. Argumentantur Adversarij, potissimum Calviniani, ab ipsa Significatione vocabulorum. *Forma talis esto:*

Quicunq; servato genuino sen-
su verborum Sp. S. dicitur ho-
minem excitare & indurare, &
quidem voluntate ac decreto po-
tente & efficaci; is speciali acti-
one & impulsu ejus voluntatem
etiam malam ad operandum adi-
git. Atqui Deus ipse servato ge-
nuino sensu verborum Sp. S. di-
citur hominem excitare, indura-
re &c. Ergo &c.

*Propositio Major insignem reperit οὐχ
Φασιν in verbis Theodori Bezae ad Acta Col-
loq. Mompelg. de prædestin. pag. mihi 179.
Certè, si quod diximus de Deo ut pri-
mâ causâ instrumenta mala movent,
non aliter intelligatur quam de illâ vi
divinâ quam naturæ ordo in rebus omni-
bus creatis conservatur, & rerum vo-
luntate præditatum voluntates eientur,
transeundum erit, in peripateticorum
castra, qui universalem tantum provi-
dentiam agnoscunt. Itaq; fatendum*

est omnino, quum ne passerculi quidem cadant sine voluntate conditoris: & ipse sortium exitus, teste Salomone, sit à Deo, voluntates illas etiam malas non tantum universaliter: sed expressè quoq; certo & fixo divinitus momento ad hoc vel illud agendum agi. Hoc autem non aliter posse fieri quam Dei voluntate & decreto, & quidem potente & efficaci multis anteà rationibus & auctoritatibus probavimus, & ex istis expressis testimonij sic loquente Spiritu S. liqvet. Vos me hoc non misistis inquit Josephus, sed Deus, Gen. 45: 8. Et verbis immediate seqq. probat idem prop. Minorem pag. 180: Sic Pharaonem excitat, Exod. 9: 16. & eundem indurat, Exod. 4: 21.

Resp. 1. ad Argumentum in Genere, esse Fallaciam Figuræ λέξεως seu dictionis, cum Scriptura ipsa sæpè verbis activis utatur, δυνατικῶς seu potentialiter sit venia verbo ut pro velle aut posse necessariò sint intelligenda, E. g. Gal. 5: 4. Evacuati estis à Christo qui ex lege justificamini. Ubi Apostolus non docet hominum aliquos ex lege justifi-

cari *adū*, sed illorum accusat judicium prauum atq; conatum inanem, ut seipse explicat, Gal. 4: 21. *Dicite mihi qui sub lege esse vultis*, &c. Resp. 2. *In specie*, & quidem *a.* ad prop. *Majorem*, sermonis proprietatem esse urgendam, donec non patiatur injuriam ipsa *Analogia Fidei*, o: *aproposita* seu consonantia capitum doctrinæ cœlestis cum verbo Dei revelato, etiamq; inter se, Rom. 12: 6. Resp. *B.* ad prop. *Minorem*: quod voluntas illa potens & efficax habeat pro objecto Indurationem quidem, sed ut *panam* & justorum Dei judiciorum executionem; non verò ut culpam seu peccatum ipsū.

R. y. *Ex περισσώς*, ad probationem Majoris dico, quamvis providentia divina, interprete Trygophoro, versetur circa omnes res creatas, etiam minutissimas, generalissimo concursu, circa homines tamen diverso modo, universaliter enim moderatur actiones hominum extra Ecclesiam, eum gentium, specialiter v. respicit vocatos, seu membra Ecclesiae; Specialissime bonos seu Electos. Quocum malorum actiones suā æternā justitiā usurpat, vel ad exercendam vindictam scelerum, vel ad deterrendum alios ab imitacione exempli, adeoq; ad dirigendum omnia in bonum finem. conf. ea quæ in thesi dicta sunt.

Resp. d. Ut præteream, quod Beza cum socijs, valdè Lynceis oculis in hoc argumento respiciant urgeantq; proprietatem sermonis, cum ab eadem, sui fœdè velut oblii, in articulo de verbis institutionis S. Cœnæ, longissimè recedant. Etenim sic solent veritatis ac Lucis Evangelij ofores, agitari ac tandem circumgyrari spiritu vertiginis, Esa. 29.

II. A Dei ipsius beneplacito sic:

Opus Dei volentis, est etiam approbantis cum singulari beneplacito: Atqui Induratio & excœratio est opus Dei volentis. Ergò &c. & p. c. Deus favet peccato.

Majorem conatur probare Beza ad acta colloq. Mompelg. p. 175: Quinam enim velle possit aliquid esse Deus, quod non decreverit ut sit. vel invitus decernere quod nolit? *Et in brevi Explic. Christianismi Aph. 5. ait:* Non accidit in vito Deo, cui miro quodam & incomprehensibili modo placet, ut id quoq; quod quatenus peccatum est non probat, non tamen sine voluntate suâ eveniat.

Minorem probat ex Rom. 9: 17. 18. Hinc illud: *εγένεγε σε, excitavi te, de Pharaone*

raone Rom. 9: 17. *περὶ γενεὰς μένοις ἐις τὴν κατίνα*, Jud. 4. necessariò includens divinum in arcanae providentiae codicem relatum ab æterno decretum. Sic jam tum cum mundus crearetur, non tantum Regnum Electis destinatum fuisse dicitur Matth. 25: 34. sed etiam ipsi quoq; electi Eph. 1: 4. atq; adeo ipse Christus quatenus in ipso sumus electi 1. Pet. 1: 19. ut contra reprobri dicuntur 1. Pet. 2: 8. offendisse immorigeri ad hunc ipsum sermonem, *ἐις ὃ καὶ ἐπέβησαν*. ab hoc autem decreto, quinam excludetur Dei voluntas, etiam si res ipsa per se non reclamaret, dicente Apostolo, non tantum, *cujus vult miseretur*, sed etiam, *quem vult inducat?* idq; eâ volun-
tate cui resisti non possit?

Addunt alij Calviniani Effectum εὐδοκίας divinæ Matt. 11: 26. Luc. 10: 20. c. 2: 14. Rom. 10: 1. Eph. 1: 5. 9. Phil. 1: 15. & 2: 12. 2. Thes. 1: 11.

R^g. I. *In Genere*: Esse Σόφισμα τὸ εἰ-
μένος καὶ κατάλη. adeoque plus in conclusio-
nem induci, quam erat in præmissis.
Respon. II. *In Specie*: Primò ad Majo-
rem: a. Dari in genere humano actionem

medianam seu mixtam, ut cum dicimus *nolens volens* hoc egit. *B.* Alias Major prop. est particularis, unde nil firmiter potest concludi. *2.* ad probationem Majoris dico: Non simpliciter Deo invito hominem induari, vel planè repugnante Deo. Ideoq; dictum Apostoli: *quem vult indurat, Non est intelligendum de voluntate Dei Antecedente, quā omnium hominum conversionem & salutē seriō vult & magnō desiderio experiat* *1. Tim. 2: 4. Ezech. 33: 11.* Sed de Consequenti & judiciariā, antegressam hominum impietatem severē puniente, cum non sine Deo voluntates contradictoriae tribuendae, quae fiunt eodem respectu, ad idem, & secundum idem, ut vult Aristoteles. *3. ad Minorem & ejus probationem dico. a.* In voce *indonius* adversarij ludunt fallaciā *Accidentis*: est enim in judiciariā Dei sententiā adversus malos & contumaces, aliquid quod Deus approbat, videlicet ordinem ipsum *justitiae divine, & Finem quo præfæcti illufores verbi excitantur & puniuntur cœcitatem*. Verum hæc approbatio & beneplacitum, non sunt referenda ad cœcitatem intellectus vel duritiem cordis, neq; ad actum Indurationis, quatenus omnia hæc mala sunt pugnantia cum lege Dei; sed in quantum sunt divinorum judiciorum ob verbi Dei contemptum

contemptum justissimæ executiones. Etenim hæc est èudoxia 78 ðeg, ut qui sapientiæ & prudentiæ opinione inflati doctrinam evangelij ut stultam rident & persequuntur Matth. 11: 25. 26. Lucem ejus nunquam videant, sed sibi relictæ, sapientiæ propriæ succumbant, in eaq; pereant.

B. Pharaon d. l. dicitur à Deo excitatus, non necessitate invincibili ad malè agendum destinatus & postmodum adactus, sed conservatus inter vivos seu superstes donec ex operibus Dei propriâ malitiâ arriperet occasio nem, quâ subinde deterior evaderet ac intratibilior. Conferantur interpp. *Syrus Acimatoch, & Arabs* in h. l. Sic Exod. 21: 21. Si unum aut biduum Jaamod steterit : vixerit vel superstes fuerit. Unde *Theodore-*
tus ad Rom. 9: 22. ait: *Quemadmodum me-
 dici, non ipsi creant viperas sed ex eis utile
 medicamentū conficiunt; ita etiā Deus voluit
 quidem Pharonem supplicijs eximi: sed quia
 ille in nimiam feritatem corruerat, illi qui-
 dem omnis generis pœnas infixit: suam au-
 tem potentiam omnibus hominibus offendit.
 Illud autem Excitavi Te, idem est ac permisi
 tibi regnum assequi: & cum possem prohibe-
 re, non prohibui, per venturam inde ad ali-
 os utilitatem prævidens.*

y. Quod attinet Jud. v. 4. ~~de τερατογραφίᾳ~~
 πένοισ εἰς τὸ κεῖμα, dico non significari a-
 liquos nudè ad damnationem in æterno co-
 dicee per inevitabile decretum præscriptos :
 non enim posuit nos Deus ad iram, sed ad
 obtinendum salutem per Dominum nostrum
 Iesum Christum i. Thes. 5: 9. Sed illi ad da-
 mnationem dicuntur præscripti, qui Dei
 nostri gratiam trahunt ad lasciviam & Deum
 ipsū Christumq; negant v. 4. qui dormientes
 carnem polluunt, & dignitates spernunt
 v. 8. qui viam Caini ingressi sunt secuti er-
 rores Bileam, facti seditiosi cum Core v. 11. qui
 in Agapis maculae sunt v. 12. quorum os lo-
 quitur superba v. 16. Spiritum S. non haben-
 tium v. 19. Hi dicuntur præscripti ad hoc
 judicium, hoc est, de quibus prophetæ va-
 ticinati sunt, quod Ecclesiam Christi turba-
 turi sint & tandem perituri, quales sunt An-
 tiChristi orientalis & occidentalis cum al-
 ligatis socijs per totum mundum, Esa. 59.
 Zach. 5. Dan. 12.

δ. Ad locum Matth. 25: 34. respondeo,
 Regnum Dei dici ἡγεμονεύον paratum ijs
 scilicet qui fidem salvificam demonstrant ho-
 minibus visibiliter per opera Charitatis. Sic
 Eph. 1: 4. Eleeti dicimur non absoluto ali-
 quo προωχτυῷ, sed in Christo, in quem
 credi-

Crediturieram⁹, quamq; fidem Deus ab æterno infallibili notitiâ vidit 1. Pet. 1:19. 20. Sic & contrà ἔθησακ, 1. pet. 2:8. Reprobi sc. dicuntur positi non ad interitum aliquo arcano & fatali quodam Dei irati consilio, sed in λόγον seu Evangelium Christi ut in loco parallelo 2. Cor. 5: 19. Deus posuit in nobis sermonem reconciliationis. Vel si urgenda est Phrasis εἰσ ὁ, sc. ut offenderent in lapidem, utiq; illud est factum ob ἀπειθεῖς seu inobedientiam. E. Tandem voluntatem Dei Resistibilem esse ex Matth. 23:37. aliisq; aphorismis classicis probamus contra Calvinianos non solum, sed & eorum sobolem,

ARMINIANOS.

III. A divinâ permissione.

Quòd Deus permittit, illud vult.
At Deus Indurationem Pharaonis permisit. E. Eandem voluit.

Majorem ita breviter demonstrare satagit Beza, ad acta Montisbelgard. de prædest. p. 176. Deniq; ut præclarè non uno loco dicit Augustin. quod malum est in se, mali rationem non habet, quatenus à Deo pendet, sed quatenus bonum est ut sint mala, quæ alioqui Deus esse non sineret: non sinit autem utiq; nolens, sed volens.

Minor

Minor est antea concessa.

Resp. I. *In specie ad Majorem, Negando,*
&c. quia permissionis vocabulum latius est vo-
cabulo voluntatis: non enim omnia quæ quis
permittit fieri, illa simplicitè vult. **2. Ob-**
jectum voluntatis est permisso, permissionis
verò objectum est Induratio etiam quatenus
culpa seu peccatum est. **2. Ad probationem**
Majoris: Esse postulatum quoddam, cui tam
facile non credendum; seu peti principium.
II. In Genere: *Esse σόφισμα κατέλη.* Quia
permissionis vox non exprimit ea omnia, quæ
in hominum Induratione ex parte Dei con-
curreunt, ut ex distributione actionum Dei
specialium supra constabat. Quando verò
ipsum peccati actum respicimus, quem Deus
non vult, non approbat, non efficit, dici-
*mus quod sinat naturam liberè agentem fer-*ri**
suo proprio motu permittatq; à Satanâ
nonnunquam agitari. Volens autem per-
mittit actum Indurationis quatenus poena
est, perinde ut vult alia poenarum genera
de quibus tamen Esa. 28: 21. extat, quod fa-
*ciat Deus opus alienum, siquidem sumè benefi-*cus**
& bonus est propriâ naturâ, ut faciat opus
*suum, &c. ut benefaciat hominibus, vel glo-*riam**
justitiae suæ illustret. Quod autem de
voluntate approbante & decernente fuit ad-
ditum,

ditum, id non ad actum ipsum peccandi, sed ad fidem non ipsi peccanti propositum, sed ipsi Deo, est referendum: malis enim voluntatibus hominum Deus utitur bene. Et hunc finem optimum quem ex pessimis factis hominū elicit Domin⁹ in permissione ipsā vult & approbat. Atq; sic non quidem decernit Deus peccatum quatenus tale, sed decernit se permissurum peccatum quod suā sponte ab hominibus videt iri patratum, ac finem bonum inde resultantem decernit. Et ut voluntas respectu permissionis, propriè ἡ ἀνθεστορία, permissione v. resp. peccati ἡ ἀναστορία, in se complectitur; ita Deus à S.S. dicitur non velle peccatum Ps. 5. alioquin non tantum permetteret hominum mentes & voluntates ferrī suo arbitratu, sed etiam, quod facit in bono proposito, eosdem impelleret & adjuvaret. Unde facilimè respondetur ad instantias: 1. Si in dictis de Induratione, Permissionis καιρού Φύγειον admittitur, tum Deus fingitur ociosus rerum humanarum spectator contramannifestam scripturam. Dicendò. N. V. C quia actiones Dei speciales non sunt merè Theoreticæ sed in clementiæ ac justitiæ praxi directoriæ ad bonum finem. 2. Si nullo modo i quod permittit Deus probaret, utiq; impediret. Resp. q. quamdiu regnat clementi

Dei erga bonos & pœnitentes, vel impedit malum, vel tandem homines convertit, dominante verò justitiâ ejus, non impedit quidem actionem malam, sed peccatum antecedens peccato conseq. gravioripunit Psal. 18: 26. 27 *cum Sanctis Sanctus es Sc.* β Ut non nihil dicam de dist. inter *Nolle* & *non velle*, quod istud significet actum voluntatis negativum cum conatu resistendi actionibus malis easq; planè impediendi, quo pacto Deus noluit Apostolum grassari in Damascenos Act. 9: 3. 4. 5. Hoc v. actum voluntatis negativum sine peculiariter-sentia seu actuali remotione impedimenti, ut h. l. illud in concursu Dei cum actionibus hominum anomali extraordinariorum, hoc locum habet in communi.

IV. AB ABSURDO.

Quâ doctrinâ Stabiliuntur vires Liberi arbitrij in homine, adeoq; confirmantur opiniones Pelagianæ & Synergisticæ; ea ex agro Ecclesiæ est exterminanda. At doctrina hæc de permissione Dei, circa peccata, est talis. Ergo est exterminanda.

Major prop. extra controvrsiam est; Minorem

norem adversarij probare nituntur partim authoritate B. Lutheri , partim ratione. Ideò namq; *Lutherus Erasmi* interpretationem de permissione & tolerantiâ Dei prolixè rejicit, quia vidit eā patrocinari vitibus humanis in negocio conversionis. Ratio quoq; evidens esse videtur, quia si dicatur *Pharao Seipsum indurasse* Sponte suā, potuisset utiq; scipsum cādem libertate non indurare: quid a. hoc est nisi mollem facere aut emollite? ut *Augustinus* videtur intendere in nonnullis locis. Sic & *Theodoreetus* Quæst. 12. in Exod. dum aliquot indurationis causas recēsset, tandem ex Dei tolerantiâ & præscientiâ concludit aliquam libertatem in rebus Spiritualibus.

Resp. Processum fieri δοτούσε σφίσματα καθάρι : Coneedi hāc doctrinā stabiliri vires liberi arbitrij , sed non ad bonū eligendum vel amplectendū, sed ad Malum : non est enim necesse ad subversendas liberi arbitrij vires in Spiritualibus , de quibus in disp. cum pelag. & synerg. agitur , negare naturalem & concretam potentiam naturæ rationalis, qua liberè posse de rebus externis & civilibus judicare , easq; eligere & vel reprobare , multò minus necesse est omnium actionū humanarum necessitatem introducere abolutā, vel propter Dei præscientiam vel generalem aliquam providētiz gubernationem : præscientia enim considerat res quæles actū futuræ sunt , non dat illis causam agendi : Gubernatio generalis quā in Deo sumus, vivimus & move- mur, ad quam Lutherus potissimum respexit, non evertit ordinem in naturā constitutum, qui in naturā talis est , ut lis-

ut liberè velit, eligat & agat. Etsi igitur homo dum liberè eligit agitq; à Deo simul sustentator, non tamen specialiter impellitur, ut sic velit & agat: nam inde de sum sequeretur, omnia fieri necessariò, quam propositionem et si D. Luth. in Libro de Servo arbitrio contra Erasmum defendit, non tamen actionum omnium necessitatem introducit Stoicam aut abolutam. In isto libro principalis status est de *adūratiā* virium humanaarum in rebus spiritualibus, quam ibidem potissimum demonstravit invictis argumentis. Esse quidem in eo horridius dicta quedam, & cum grano salis legenda, fastetur ingenuè ipse comment in Gen. 26. quod videlicet illa non de Deo revelato, qui agnoscendus est in Filiō, velit intellecta, sed de Deo abscondito sicut Esa. 45. dicitur: Tu verè es Deus absconditus. Resp. 2. Negando prop. Minorem, & ad probationem ejusæ. Non induxare idcm esse quod emollire, non docuisse Augustinum, nisi καὶ ἀνθρώποι, representando Pelagianos. Aut enim qui indurantur fuere renati Heb. 6. qui si non indurantur non habent de quo gloriantur, cum filius Dei efficaciam naturalis illorum durities per Spiritum S. sit emolliita Ezech. 36. Aut non Renati, in sua sc. naturali duricie persistentes, hi dum non indurantur, non contrahunt novam & specialem mollietatem cordis, sed tantum manent in statu naturali, e. g., infantes & pueri Ethaniorum nonnulliq; alij probi homines qui ex sua natura duris, non sunt duriores. Non indurare igitur, propriè est, abstinere à petulantia & blasphemia, veritati monstrare & agnitæ contumaciæ non resistere: nam cor inobedienter se gerens dicitur indurari, quos niam Deo ipsi reluctatur, ut est in Deducet. Thos doreti Quæst. 12. in Exodus.

Tantum De Induratione Phamonis.

Disp. II.

Ad

Præstanti ingenio moribusq; egregijs

VIRUM JUVENEM,

N. PETRUM MOWALLIUM,

Sympatriotam & amicum honoratum,

Elle Dei sit velle tuū, nam si qua voluntas

Dissidet à cœli Numine, vana cadit.

Dilige dicta Dei, Dominoq; resistere noli,

Durum est in stimulum figere velle pedem.

Obriguit Pharaon reclamans impius ori

Mosis sacrato, molliit unda virum.

Exemplum ex alijs semper tibi sumito, & inde

Discito quid deceat, quid deceatq; minus,

L. Mq;

P R A E S E S.

Fatum per breve controversiarum

Legum constituere conditores,

Finem litibus ut darent priorem;

At que Religionis Orthodoxæ

Sunt certamina, semper annuatim,

Crescunt. Crudior ut puereficit humor,

Et lethibus inficit periclis,

Vite que metuenda sunt caduce:

Recrudescit & hoc Stygis venenum,

Diræ, & saepe repullulat quotannis:

Ceu tellure potente graminosa,

Et pratis creperæ redit locustæ

Agmen, tum & rapidos abinde ventos.

Annus provocat alter hinc priores.

Quare nec Tuus est levis, MOWALLI.

Contra

*Conatus. Nec enim queunt repelliri,
Infestæ, Hæreticæ, impiæ phalanges;
Semper sed renovanda sunt cruenta.
Nobis bella, quibus cadant caterva.
Ausus Herculeos Tibig; grator,
Complerig; eitò bunc precor laborem.
Tanti Præsidis atq; Mystagogi:
Quò pòst Hæreticis vel obstruatur
Os, quo pestiferas vomunt querelas!*

Scripsit

PETRUS LAURBECCHIUS
Poësios Prof. Ord. & F. Ph. h. a. L.

*E*ximiū dec; est, homines imitarier amplos
Qui in Sacris specimen deposuere sched
Horum tu sequeris vestigia, docte MOWALLI
Dum vigil assiduo castra profana fugas
Hinc tibi quid voveā, MOWALLI, cultor ami
Eusebiæ, & studij Lausq; decusq; Sacri?
Sis felixq;, mei q; novum cape pignus amoris
Jure etiam patrium propter amande solū
Opto, tibi felix cursus sit, & usq; perennis!
Propositumq; precor prosperet ipse Deus

*Præstantissimo Studio, Dn. PE
TRO MOWALLIO, Sympa
triotæ honorando, sic gratu
labatur*

*ANDREAS ROMAI
Junecop, Smol;*